

EPISTOLA  
B. PAULI APOSTOLI  
AD TITUM.

**A**POSTOLUM, expleto biennio illo, quo in libera custodia Roma Evangelium docuit, Orientem iterum peragrasse valde probabile esse iam diximus & in Chronologia ostendimus. Tunc ergo eum in Macedonia apud Philippenses, sicut eis ipse promiserat (Philip. 1. 25. & 2. 24.) permansisse putamus & priorem ad Timotheum, atque hanc ad Titum dedisse Epistolam, quæ eo sunt argumento similiores, quod uno tempore datae sint. Primum itaque de Presbyteris sive Episcopis ordinandis Titum admonet; moxque adversus iudaizantes insurgit, quos iubet acriter increpari: deinde ad morum præcepta vertit orationem. Et inter hæc semel atque iterum præclaram admiscet mentionem gratiæ, quæ, nullo nostro merito, salvamur per Christum. Denique à vanis quæstionibus avocatur, & hæreticos fugiendos admonet.

CAPUT PRIMUM.

*Præfatus se Apostolum missum à Christo, qui veram edoceret fidem, quos Titus ordinare debeat Presbyteros primum admonet. Quæ sint Episcopi virtutes. Iudæicis fabulis non attendendum, nec delicti ciborum; cum omnia sint munda mundis.*

**P**aulus servus Dei, Apostolus autem Iesu Christi secundum fidem electorum Dei, & agnitionem veritatis, quæ secundum pietatem est

2. in spem vitæ æternæ, quam promissit qui non mentitur, Deus, ante tempora sæcularia:

3. manifestavit autem temporibus suis verbum suum in prædicatione, quæ credata est mihi secundum præceptum Salvatoris nostri Dei:

4. Tito dilecto filio secundum communem fidem, gratia, & pax à Deo Patre, & Christo Iesu Salvatore nostro.

5. Huius rei gratiâ reliqui te Cretæ, ut ea, quæ desunt, corrigas, & constituas per civitates presbyteros, sicut & ego disposui tibi.

*\*1. Tim. 3. 2.*

6. \* Si quis sine crimine est, unus uxoris vir, filios habens fideles, non in accusatione luxuriæ, aut non subditos.

7. Oportet enim episcopum sine crimine esse, sicut Dei dispensatorem: non superbum, non iracundum, non vinolentum, non percussorem, non turpis lucri cupidum:

8. sed hospitalem, benignum, sobrium, iustum, sanctum, continentem,

9. amplectentem eum, qui secundum

doctrinam est, fidèlem sermonem: ut potens sit exhortari in doctrina sana, & eos, qui contradicunt, arguere.

10. Sunt enim multi etiã inobedièntes, vaniloqui, & seductores: maxime qui de circumcissione sunt:

11. quos oportet redargui: qui universas domos subvertunt, docentes quæ non oportet, turpis lucri gratiâ.

12. Dixit quidam ex illis, proprius ipsorum propheta: Cretenses semper mendaces, malæ bestię, ventres pigri.

13. Testimonium hoc verum est. Quam ob causam increpa illos durè, ut sani sint in fide,

14. non intendentes Iudæicis fabulis, & mandatis hominum, aversantium se à veritate.

15. \* Omnia munda mundis: coinquinatis autem, & infidelibus nihil est mundum, sed inquinatae sunt eorum & mens, & conscientia. *\* Rom. 14. 20.*

16. Confitentur se nosse Deum, factis autem negant: cum sint abominati, & incredibiles, & ad omne opus bonum reprobi.

CAPUT II.

*Quomodo docendi sint senes, mulieres, iuvenes, servi; Tum de gratiâ Salvatoris, & bonis operibus.*

**T**U autem loquere quæ decent sanam doctrinam:

2. Senes ut sobrii sint, pudici, prudentes, sani in fide, in dilectione, in patientia:

3. Anus similiter in habitu sancto, non criminatrices, non multo vino servièntes, benè docentes:

4. ut prudentiam doceant adolescentulas, ut viros suos ament, filios suos diligant,

5. pru-

5. prudentes, castas, sobrias, domus curam habentes, benignas, subditas viris suis, ut non blasphemetur verbum Dei:

6. Iuvenes similiter hortare ut sobrii sint.

7. In omnibus teipsum præbe exemplum bonorum operum, in doctrina, in integritate, in gravitate,

8. verbum sanum, irreprehensibile: ut is, qui ex adverso est, vereatur, nihil habens malum dicere de nobis:

*\* Ephes. 6. 5. Col. 3. 22. 1. Petr. 2. 18.*

9. \* Servos dominis suis subditos esse, in omnibus placèntes, non contradicèntes, in omnibus fideles, non fraudantes, sed in omnibus fidem bonam ostendentes: ut doctrinam Salvatoris nostri Dei ornent in omnibus.

*\* Infr. 3. 4. IN NATIVIT. DOM. AD 1. MISAM, & IN CIRCUMCIS. DOMINI.*

10. \* Apparuit enim gratia Dei Salvatoris nostri omnibus hominibus,

11. erudiens nos, ut abnegantes impietatem, & sæcularia desideria: sobriè, & iuste, & piè vivamus in hoc sæculo,

12. expectantes beatam spem, & adventum gloriæ magni Dei, & Salvatoris nostri Iesu Christi:

13. qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum.

14. Hæc loquere, & exhortare, & argue cum omni imperio. Nemo te contemnat.

CAPUT III.

*Primum id præcipiendum iubet fidelibus, ut principibus & potestatibus subditi sint; tum de gratiâ Spiritus sancti in nos effusa disserit; ac demum de bonis operibus, & vitandis hæreticis.*

**A**dmone illos principibus, & potestatibus subditos esse, dicto obedire, ad omne opus bonum paratos esse:

2. neminem blasphemare, non litigiosos esse, sed modestos, omnem ostendentes mansuetudinem ad omnes homines.

3. Erãmus enim aliquandò & nos insipientes, increduli, errantes, servièntes desiderii, & voluptatibus variis, in malitia & invidia agèntes, odibiles, odièntes invicem.

4. Cum autem benignitas, & humanitas apparuit Salvatoris nostri Dei:

5. \* non ex operibus iustitiæ, quæ fecimus nos, sed secundum suam misericordiam salvos nos fecit per lavacrum regenerationis, & renovatiõnis Spiritus sancti,

6. quem effudit in nos abundè per Iesum Christum Salvatorem nostrum:

7. ut iustificati gratiâ ipsius, heredes simus secundum spem vitæ æternæ. *\* 1. Tim. 1. 4. & 4. 7. 2. Tim. 2. 23.*

8. Fidelis sermo est: & de his volo te confirmare: ut curent bonis operibus præesse qui credunt Deo. Hæc sunt bona, & utilia hominibus.

9. \* Stultas autem quæstiones, & genealogias, & contentiones, & pugnas legis devita. sunt enim inutiles, & vanæ.

10. Hæreticum hominem post unam, & secundam correptionem devita:

11. sciens quia subversus est, qui cuiusmodi est, & delinquit, cum sit proprio iudicio condemnatus.

12. Cum misero ad te Artëmam, aut Tychicum, festina ad me venire Nicopolim: ibi enim statui hiemare.

13. Zenam legisperitum, & Apollo sollicitè præmitte, ut nihil illis desit.

14. Discant autem & nostri bonis operibus præesse ad usus necessarios: ut non sint infructuosi.

15. Salutant te qui mecum sunt omnes: saluta eos, qui nos amant in fide. Gratiâ Dei cum omnibus vobis. Amen.

EPÍSTOLA  
B. PAULI APOSTOLI  
AD PHILEMONE M.

SCRIPTA est Roma è primis vinculis, quorum quinque meminit: anno à Christi morte 29. Era vulgaris 62. unà cum Epistola ad Colossenses Tychico ad perferendum tradita. Erat autem Philemon vir clarus apud Colossenses, Pauli discipulus, cuius servus Onesimus, Phryx genere, furto facto, ut ex vers. 18. Hieron. Theodoret. & Theophylactus colligunt, Romam profugerat. Mox verò utriusque criminis fuga & furti penitentia ductus, ad Paulum captivum, quem hero suo noverat esse amicum, se contulit. Ab eo susceptus & fidem edoctus, tandem baptizatus est, cui etiam ministravit in carcere, donec satis in pietate confirmatum remittere eum Philemoni visum est, cum his litteris commendatitiis, in quibus miro artificio, ingentique studio id agit, ut eum dominus in gratiam recipiat. Receptus verò in virum evasit eximium, ita ut post Timotheum Ephesorum Episcopus sit creatus, quem mirifice collaudat sanctus Ignatius datà ad eos Epistola. Sub Traiano denique Roma martyrium gloriose consummasse creditur.

Philemoni, cuius charitatem ac fidem collaudat, Onesimum, servum ipsius, remittit; quem illi commendat, eius culpam in se recipiens, & indicans se cupere ipsum habere, ut sibi ministret in Evangelij prædicatione.

1. **P**aulus vincus Christi Iesu, & Timotheus frater: Philemoni dilecto, & adiutori nostro,
2. & Appiæ sorori charissimæ, & Archippo commilitoni nostro, & Ecclesiæ, quæ in domo tua est.
3. Grátia vobis, & pax à Deo Patre nostro, & Domino Iesu Christo.
4. Grátias ago Deo meo, semper memoriam tui faciens in orationibus meis,
5. audiens charitatem tuam, & fidem, quam habes in Domino Iesu, & in omnes sanctos:
6. ut communicatio fidei tuæ evidens fiat in agnitione omnis operis boni, quod est in vobis in Christo Iesu.
7. Gaudium enim magnum habui, & consolacionem in charitate tua: quia viscera sanctorum requieverunt per te, frater.
8. Propter quod multam fiduciam habens in Christo Iesu imperandi tibi quod ad rem pertinet:
9. propter charitatem magis obsecro, cum sis talis, ut Paulus fenex, nunc autem & vincus Iesu Christi:
10. Obsecro te pro meo filio, quem genui in vinculis, Onesimo,

11. qui tibi aliquandò inutilis fuit, nunc autem & mihi, & tibi utilis,

12. quem remisit tibi. Tu autem illum, ut mea viscera, suscipe:

13. quem ego volueram tecum detinere, ut pro te mihi ministrarem in vinculis Evangelij:

14. sine consilio autem tuo nihil volui facere, uti ne velut ex necessitate bonum tuum esset, sed voluntarium.

15. Forsitan enim idèd discersit ad horam à te, ut æternum illum reciperes:

16. iam non ut servum, sed pro servo charissimum fratrem, maxime mihi: quanto autem magis tibi & in carne, & in Domino?

17. Si ergo habes me socium, suscipe illum sicut me:

18. Si autem aliquid nocuit tibi, aut debet: hoc mihi imputa.

19. Ego Paulus scripsi meâ manu: ego reddam, ut non dicam tibi, quod & teipsum mihi debes:

20. ita frater. Ego te fruar in Domino: Refice viscera mea in Domino.

21. Confidens in obedientia tua scripsi tibi: sciens quoniam & super id, quod dico, facies.

22. Simul autem & para mihi hospitium: nam spero per orationes vestras donari me vobis.

23. Salutat te Epaphras conceptivus meus in Christo Iesu,

24. Marcus, Aristarchus, Demas, & Lucas, adiutores mei.

25. Grátia Domini nostri Iesu Christi cum spiritu vestro. Amen.

EPÍ-

EPÍSTOLA  
B. PAULI APOSTOLI  
AD HEBRÆOS.

SCRIPTA videtur eodem ferè tempore quo Epistola ad Philemonem & ad Ephesios, anno scilicet Era nostra 62. à morte Christi 29. sub finem illius biennij, quo Paulus Roma primum vincus est, cum causâ apud Neronem feliciter peractâ, Timotheus iam esset solutus, cap. 13. 23.

Fuere qui negarunt Epistolam hanc esse Pauli, quòd ea neque phrasim, neque genium eius referat, eamque potius Barnaba ascriberent, in quibus est Tertullianus. Verùm historia Apostolica Barnabam Romam vel Italiam adisse non memorat, neque ei usquam Timotheum adiungit socium. De stylo multi cum ex antiquis tum ex recentioribus sic censent; sensus quidem & dispositionem esse Pauli, phrasim verò & elocutionem vel Clementis, vel ipsius Luca potius, quòd ex multis vocabulis ipsi peculiaribus ac sermone composito & eleganti conjiunt. Ut enim epistola hac bene Græca est, & florida, ita sermo Luca, ubi non Christi aut Apostolorum verba refert.

Nomen verò suum pro more initio non apposuit Apostolus, vel quia sciebat se Hebræis invisum, vel quia non tam Hebræorum se, quam Gentium Apostolum profitebatur; vel denique quia scripserat non tam Epistola instar quam libri. Unde in fine dicit: Perpaucis scripsi vobis. Quòd enim ad Epistolam prolixum, id ad volumen parum est. Hic autem duo potissimum agit Apostolus. Partim enim docet quæ Christi dignitas & quod officium, quaque sacerdotij eius & sacrificij supra Leviticum excellentia. Partim verò consolatur Hebræos, & ad perseverantiam fidei in Christum hortatur.

CAPUT PRIMUM.

Apostolus hoc in capite Christi excellentiam præ Angelis, & divinitatem eius demonstrat.

† IN NATIV. DOMINI AD 3. MISS.

1. **M**ultifariam, multisque modis olim Deus loquens patribus in Prophetis:

2. novissimè, diebus istis locutus est nobis in Filio, quem constituit heredem universorum, per quem fecit & sæcula:

3. \* qui cum sit splendor gloriæ, & figura substantiæ eius, portansque omnia verbo virtutis suæ, purgationem peccatorum faciens, sedet ad dexteram maiestatis in excelsis:

4. tantò melior Angelis effectus, quantum differentius præ illis nomen hereditavit.

5. Cui enim dixit aliquandò Angelorum: \* Filius meus es tu, ego hodie genui te? Et rursum: \* Ego ero illi in patrem, & ipse erit mihi in filium?

6. Et cum iterum introducit primogenitum in orbem terræ, dicit: \* Et adorent eum omnes Angeli Dei.

7. Et ad Angelos quidem dicit: \* Qui facit Angelos suos spiritus, & ministros suos flammam ignis.

8. Ad filium autem: \* Thronus tuus Deus in sæculum sæculi: virga æquitatis, virga regni tui.

9. Dilexisti iustitiam, & odisti iniquitatem: propterea unxit te Deus, Deus tuus oleo exultationis præ participibus tuis.

10. Et: \* Tu in principio Domine terram fundasti: & opera manuum tuarum sunt cæli.

11. Ipsi peribunt, tu autem permanebis, & omnes ut vestimentum veterascent:

12. & velut amictum mutabis eos, & mutabuntur: tu autem idem ipse es, & anni tui non deficient.

13. Ad quem autem Angelorum dixit aliquandò: \* Sede à dextris meis, quoad usque ponam inimicos tuos scabellum pedum tuorum?

14. Nonne omnes sunt administratorii spiritus, in ministerium missi propter eos, qui hereditatem capient salutis?

CAPUT II.

Probata Christi divinitate, concludit Apostolus legem eius servari oportere; tum agit de passione Christi, per quam de morte & diabolo triumphavit.

1. **P**ropterea abundantius oportet observare nos ea, quæ audivimus ne forte perefluamus.

2. Si